

AUGLÝSING

um útgáfu starfsleyfis fyrir Íslakk hf., Smiðjuvegi 11E, Kópavogi.

Hollustuvernd ríkisins hefur gefið út starfsleyfi fyrir Íslakk hf., kt. 601192-2769, Smiðjuvegi 11E, Kópavogi. Starfsleyfið er gefið út í samræmi við 6. gr. í I. kafla laga nr. 7/1998, um hollustuhætti og mengunarvarnir. Starfsleyfið öðlast gildi við birtingu þess í B-deild Stjórnartíðinda og gildir til 30. desember 2002.

Reykjavík, 15. desember 1998.

Hollustuvernd ríkisins, mengunarvarnir,

Hermann Sveinbjörnsson forstjóri.

Ólafur Pétursson.

AUGLÝSING

um útgáfu starfsleyfis fyrir Íslenska járnblendifélagið hf., Grundartanga.

Hollustuvernd ríkisins hefur gefið út starfsleyfi fyrir Íslenska járnblendifélagið hf., kt. 640675-0209, Grundartanga. Starfsleyfið er gefið út í samræmi við 6. gr. í I. kafla laga nr. 7/1998, um hollustuhætti og mengunarvarnir. Starfsleyfið öðlast gildi 1. júní 1999 og gildir til 30. maí 2009.

Reykjavík, 16. desember 1998.

Hollustuvernd ríkisins, mengunarvarnir,

Hermann Sveinbjörnsson forstjóri.

Ólafur Pétursson.

SAMÞYKKT

og gjaldskrá fyrir sorphirðu í Reykjavík.

I. KAFLI

Almenn ákvæði um sorphirðu.

1. gr.

Reykjavíkurborg annast sorphirðu (þ.e. sorphreinsun og sorpeyðingu, endurnýtingu eða urðun) frá öllu íbúðarhúsnæði í Reykjavík og frá atvinnuhúsnæði þar sem eigendur þess óska og því verður við komið.

Heilbrigðisnefnd Reykjavíkursvæðis, sbr. 1. tölul. 2. mgr. 11. gr. laga nr. 7/1998 um hollustuhætti og mengunarvarnir, hefur eftirlit með sorphirðunni og að farið sé að samþykkt þessari.

2. gr.

Hreinsunardeild gatnamálastjóra undir yfirstjórn borgarverkfræðings annast sorphirðu fyrir Reykjavíkurborg og sér um samskipti við Sorpeyðingu höfuðborgarsvæðisins bs. (Sorpu), sem annast rekstur endurvinnslustöðva, flokkun, endurnýtingu, böggun og urðun.

Heimilt er borgarverkfræðingi að fela verktökum hluta af sorphirðu í borginni. Þeir aðilar sem annast sorphirðu skulu hafa starfsleyfi heilbrigðiseftirlits eða Hollustuverndar ríkisins eftir því sem við á.

3. gr.

Sérhverjum húsráðanda íbúðarhúsnæðis er skylt að nota þau ílát og þær aðferðir sem borgarstjórn ákveður. Sorpgeymslur skulu vera aðgengilegar. Húsráðendur skulu halda ílátum hreinum og hreinsa snjó frá sorpgeymslum á vetrum og halda ávallt greiðfærri leið að þeim.

4. gr.

Óheimilt er að láta garðúrgang, jarðefni eða grjót í sorpílát. Jarðvegsefnum þ.m.t. grjóti eða múrbroti skal komið fyrir á sérmerktum losunarstað. Spilliefnum, hættulegum úrgangi og öllum öðrum endurvinnanlegum úrgangi skal skilað á endurvinnslustöð.

5. gr.

Hreinsunardeild útvegar sorpílát til notkunar við íbúðarhúsnæði, yfirleitt 240 l plastílát. Þar sem stærri ílát henta við fjölbýlishús getur hreinsunardeild ákveðið notkun þeirra.

Við atvinnuhúsnæði útvegar hreinsunardeild ílát af mismunandi stærðum eftir því sem best þykir henta og við verður komið.

Húsráðandi getur beðið um að ílátum sé fjölgað eða fækkað og greiðir hann kostnað af flutningi íláta samkvæmt reikningi. Fjöldi íláta skal ekki vera svo takmarkaður að þau yfirfyllist.

6. gr.

Borgarstjórn ákveður, að fengnum tillögum heilbrigðisnefndar, tíðni sorphreinsunar, þ.e. hversu langt er að meðaltali milli tæmingar sorpílata. Er gert ráð fyrir að tíðni verði annað hvort miðuð við vikulega tæmingu að meðaltali eða að tæming verði að meðaltali á 10 daga fresti, en þó aldrei sjaldnar en á 14 daga fresti. Ákvörðun um tíðni getur verið bundin við hluta borgarinnar, svo sem tiltekin hverfi eða borgarhluta eða árstíma, og skal hún kynnt íbúum og fyrirtækjum með hæfilegum fyrirvara.

II. KAFLI

Sorphirðugjald.

7. gr.

Sorphirðugjald við íbúðarhúsnæði miðast við 7 eða 10 daga hreinsunartíðni. Árlegt gjald er sem hér segir og er tunnuleiga innifalin.

	Vikuleg tæming	Tæming á 10 daga fresti
Ílát 240 l	6.000 kr.	5.500 kr.
Gámur 660 l	21.000 kr.	19.250 kr.
Gámur 1100 l	39.000 kr.	37.750 kr.
Poki 100 l	2.700 kr.	2.500 kr.

8. gr.

Árlegt sorphirðugjald við atvinnuhúsnæði er sem hér segir og er ílátaleiga innifalin.

	Vikuleg tæming	Tæming á 10 daga fresti
Ílát 240 l	7.800 kr.	7.000 kr.
Gámur 660 l	27.300 kr.	24.500 kr.

	Vikuleg tæming	Tæming á 10 daga fresti
Gámur 1100 l	50.700 kr.	45.500 kr.
Poki 100 l	3.510 kr.	3.100 kr.

9. gr.

Við atvinnuhúsnæði þar sem mikill úrgangur fellur til, svo og við íbúðir og atvinnuhúsnæði þar sem lítið pláss er fyrir sorpílát, getur húsráðandi óskað eftir aukahreinsun, þ.e. tæmingu íláta milli reglulegra tæminga. Hreinsunardeild sinnir þessu eftir því sem við verður komið og innheimtir kostnað vegna þess með reikningi, sem miðast við raunkostnað.

10. gr.

Í fjölbýlishúsum ákveður hússtjórn umbeðinn fjölda íláta. Sorphirðugjaldið skiptist milli eignarhluta miðað við stærð íbúða.

11. gr.

Í atvinnuhúsnæði skiptist sorphirðugjald miðað við eignarhluta nema eigendur komi sér saman um annað. Hreinsunardeild annast skráningu íláta, og skiptingu gjalds á eigendur.

Í húsum þar sem bæði er atvinnuhúsnæði og íbúðir er fjöldi og stærð íláta, sem skráist á hvern aðila fyrir sig, ákveðinn af hreinsunardeild nema að eigendur komi sér saman um annað.

Við venjulegar aðstæður er 0.85 eining til 1.0 eining skrifuð á íbúð eftir stærð íbúðar, en afgangurinn á atvinnuhúsnæðið. Ein eining svarar til 240 l íláts. Séu íbúðir fleiri en ein skiptist gjald milli þeirra miðað við stærð.

12. gr.

Sorphirðugjald miðast við fjölda og stærð íláta og hreinsunartíðni. Sé þessu breytt, breytist gjaldið miðað við hluta úr ári reiknað í vikum.

Sorphirðugjald innheimtist með fasteignagjöldum og með sömu gjalddögum.

13. gr.

Kvörtun vegna álagningar eða innheimtu sorphirðugjalds skal beina til hreinsunardeildar gatnamálastjóra.

14. gr.

Til tryggingar á greiðslu samkvæmt gjaldskrá þessari er lögveðréttur í viðkomandi fasteign í tvö ár eftir gjalddaga.

III. KAFLI

Ýmis ákvæði.

15. gr.

Hafi húsráðandi fram að færa kvörtun vegna sorphirðu skal hann koma slíkri kvörtun til hreinsunardeildar.

16. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998.

17. gr.

Framangreind samþykkt borgarstjórnar Reykjavíkur, sem samin er af heibrigðisnefnd Reykjavíkur, sbr. 1. tölul. 2. mgr. 11. gr. laga nr. 7/1998 um hollustuhætti og mengunarvarnir, staðfestist hér samkvæmt 25. gr. laga nr. 7/1998 um hollustuhætti og mengunarvarnir og tekur gildi 1. janúar 1999. Frá sama tíma fellur úr gildi samþykkt og gjaldskrá nr. 147/1991 fyrir sorphirðu í Reykjavík, sbr. br. nr. 46/1996.

Umhverfisstjórnuneytinu, 21. desember 1998.

F. h. r.

Ingimar Sigurðsson.

Sigurbjörg Sæmundsdóttir.

AUGLÝSING

um upphafsstuðla við mælingar á vinnslunýtingu um borð í skipum sem vinna afla um borð.

1. gr.

Til grundvallar við útreikning á afla skipa sem ekki hafa unnið sér ákveðna nýtingarstuðla, skal leggja eftirfarandi upphafsstuðla, sbr. 4. gr. reglugerðar nr. 511, 18. ágúst 1998 um mælingar á vinnslunýtingu um borð í skipum sem vinna afla um borð:

		Nýtingar- stuðull
Þorskur	- hausaður, án klumbubeins	70,0
	- hausaður, með klumbubeini	77,0
	- flök, með roði og beinum	44,5
	- flök, roðflett, með beinum	41,5
	- flök, roðflett, án þunnilda með beinum	41,5
	- flök, með roði, beinlaus	40,0
	- flök, roðflett og beinlaus	37,0
Ýsa	- hausuð	74,0
	- flök, með roði og beinum	43,0
	- flök, roðflett með beinum	41,0
	- flök, með roði, beinlaus	41,0
	- flök, roðflett og beinlaus	39,0
Ufsi	- hausaður	80,0
	- flök, með roði og beinum	53,0
	- flök, roðflett, með beinum	50,0
	- flök, roðflett, án þunnilda með beinum	50,0
	- flök, roðflett og beinlaus	48,0
Karfi	- skorinn,	55,0
	- slægður, með haus	94,0
	- flök, með roði og beinum	30,0
	- flök, með roði og beinlaus	28,0
	- flök, roðflett, með beinum	27,0
	- flök, roðflett og beinlaus	26,0